

摘藻堂四庫全書薈要

集部

欽定四庫全書薈要

集部

御定全唐詩卷三百四十六

三五

欽定四庫全書薈要卷一萬七千七百四十八集部

御定全唐詩卷三百四十三

韓愈

題楚昭王廟

襄州宜城縣驛東北有井傳是昭王井井東北數十步有昭王廟

滿目衣冠盡城闕連雲草樹荒猶有國人懷

舊德一間茅屋祭昭王

宿龍宮灘

浩浩復湯湯灘聲抑更揚奔流疑激電驚浪似浮霜夢

灘

東三

一作

園

覺燈生暈宵殘雨送涼如何連曉語一半是思鄉

或作  
祇是

說家  
鄉

又魚招張功曹

署

又魚春岼濶此興在中宵大炬然如晝長船縛似橋深  
窺沙可數靜撈水無搖刃

一作  
手

下那能脫波間或自跳

中鱗憐錦碎當目訝珠銷迷火逃翻近驚人去暫遙競  
多心轉細得雋語時囂潭罄知存寡舫平覺獲饒交頭  
疑湊餌駢首類同條濡沫情雖密登門事已遼盈車欺

故事飼犬驗今朝血浪凝猶沸腥風遠更飄蓋江烟幕  
幕拂棹影寥寥懶去愁無食龍移懼見燒如崇名既誤  
釣渭日徒消文客驚先賦篙工喜盡謠膾成思我友觀  
樂憶吾僚自可捐憂累何須強問鴉

李員外寄紙筆

李伯康也  
郴州刺史

題是臨池後分從起草餘兔尖針莫並繭淨雪難如莫  
怪殷勤謝虞卿正著書

次同

一作弄  
又作巫

冠峽

赴陽  
山作

今日是何朝天晴物色饒落英千尺墮遊絲百丈飄泄  
乳交巖脉懸流揭浪標無心思嶺北猿鳥莫相撩

答張十一功曹

山淨江空水見沙哀猿啼處兩三家篔簹競長纖纖笋  
躑躅閒開豔豔花未報恩波知死所莫令炎瘴送生涯  
吟君詩罷看雙鬢斗覺霜毛一半加

郴州祈雨

乞雨女郎魂魚羞潔且繁廟開鼃鼠叫神降越巫言旱

氣期銷蕩陰官想駿奔行看五馬入蕭颯已隨軒

湘中酬張十一功曹

休垂絕徼千行淚共泛清湘一葉舟今日嶺猿兼越鳥  
可憐同聽不知愁

柳口又贈二首

山作劍攢江寫鏡扁舟斗轉疾於飛回頭笑向張公子  
終日思歸此日歸

雪颭霜翻看不分雷驚電激語難聞沿涯

一作崖

宛轉到

一作  
入 深處何限青天無片雲

題木居士二首

耒陽縣北沿流二三十里鼇口寺退之所題木居士在焉元豐

初以禱旱不應為邑令析而薪之

火透波穿不計春根如頭面榦如身偶然題作木居士  
便有無窮求福人

為神詎比溝中斷遇賞還同爨下餘朽蠹不勝刀鋸力  
匠人雖巧欲何如

晚泊江口

郡城朝解纜  
江岫暮依村  
二女竹上淚  
孤臣水底魂  
雙歸蟄燕一  
一叫羣猿回首那聞一作能語  
空看別袖翻

湘中

猿愁魚踊

一作躍

水翻波自古流傳是汨羅蘋藻滿盤無

處莫空聞漁父扣舷歌

別盈上人

山僧愛山出無期  
俗士牽俗來何時  
祝融峰下一回首  
即是此生長別離

喜雪獻裴尚書

裴均也時為荆南節度使檢校吏部尚書愈為法曹叅軍

宿雲寒不卷春雪墮如篔

一作篩

騁巧先投隙潛光半

一作

亂

入池喜深將策試驚密仰簷窺自下何曾汗增高未

覺

一作見

危比心明可燭拂面愛還吹妬舞時飄袖欺梅

併壓枝地空迷界限砌滿接高卑浩蕩乾坤合霏微物

象移為

一作驗

祥矜大熟布澤荷平施已分年華晚猶憐

曙色隨氣嚴當酒換

一作煖

灑急聽窗知昭曜臨初日玲

瓏滴晚澌聚庭看嶽聳掃路

一作地

見雲披陣勢魚麗遠

書文鳥篆竒縱歡羅艷黠列賀擁熊螭履救行偏冷門  
肩臥更羸悲嘶聞病馬浪走信嬌兒竈靜愁煙絕一作滅  
絲絲念鬢衰擬鹽吟舊句授簡幕前規捧贈同燕石多  
慚失所宜

### 春雪

看雪乘清旦無人坐獨謠拂花輕尚起落地煖初銷已  
訝陵歌扇還來伴舞腰灑篁留密一作半節著柳送長條  
入鏡鸞窺沼行天馬度橋徧堦憐可掬滿樹戲成搖江

浪迎濤日風毛縱獵朝弄閒時細轉爭急勿驚飄城險  
疑懸布砧寒未擣綃莫愁陰景促夜色一作月自相饒

聞梨花發贈劉師命

桃溪惆悵不能過紅豔紛紛落地多聞道郭西千樹雪  
欲將君去醉如何

春雪間一作映早梅

梅將雪共春彩豔不相因逐吹去聲能爭密排枝巧妬新  
誰令香滿座獨使淨無塵芳意饒呈瑞寒光助照人璽

瓏開已徧點綴坐來頻那是俱疑似須知兩逼真熒煌  
初亂眼浩蕩忽迷神未許瓊華比從將玉樹親先期迎  
獻歲更伴占茲晨願得長輝映輕微敢自珍

早春雪中聞鶯

朝鶯雪裏新雪樹眼前春帶澁先迎氣侵寒已報人共  
矜初聽早誰貴後聞頻暫轉那成曲孤鳴豈及辰風霜  
徒自保桃李詎相親寄謝幽棲友辛勤不為身

梨花下贈劉師命

洛陽城外清明節  
百花寥落梨花發  
今日相逢瘴海頭  
共驚爛漫開正月

和歸工部送僧約

工部歸登也  
約荊州人

早知皆是自拘囚  
不學因循到白頭  
汝既出家還擾擾

何人更得

一作向

死前休

入關詠馬

歲老豈能充上駟  
力微當自慎前程  
不知何故翻驤首  
牽過關門妄一鳴

木芙蓉

新開寒露叢遠比水間紅豔色寧相妬嘉名偶自同採

江官渡

一作秋節

晚寒木古祠空願得

一作須勸

來看無令便

逐風

題張十一旅舍三詠

榴花

五月榴花照眼明枝間時見子初成可憐此地無車馬

顛倒青苔落絳英

井

賈誼宅中今始見  
葛洪山下昔曾窺  
寒泉百尺空看影

正是行人渴

一作  
喝

死時

蒲萄

新莖未徧半猶枯  
高架支離倒復扶  
若欲滿盤堆馬乳

蜀本草蒲萄  
有似馬乳者

莫辭添竹引龍鬚

峽石西泉

一作  
寒泉

居然鱗介不能容  
石眼環環水一鍾  
聞說旱時求得雨

祗疑科斗是蛟龍

梁國惠康公主挽歌二首

公主憲宗長女下嫁于頔之子季友元和

中薨詔令

百官進詩

定諡芳聲遠移封大國新  
吳宮尊長女台室屬良人  
河

漢重泉夜梧桐半樹春  
龍輓音而非厭於涉切翟還輓禁城塵

秦地吹簫女湘波鼓瑟妃  
佩蘭初應夢奔月竟淪輝  
夫族迎魂去宮官會葬歸  
從今沁園草無復更芳菲

和崔舍人詠月二十韻

舍人崔羣也愈元和七年以職方員外郎下遷

國子博士此詩是

其年八月所作

三秋端正月今夜出東溟對日猶分勢騰天漸吐靈未  
高蒸遠氣半上霽孤形赫奕當躔次虛徐度杳冥長河  
晴散霧列宿曙分螢浩蕩英華溢蕭疎物象冷池邊臨  
倒照簷際送橫經花樹參差見臯禽斷續聆牖光窺寂  
寞砧影伴娉婷幽坐看侵戶閒吟愛滿庭輝斜通辟練  
彩碎射沙星清潔雲間路空涼水上亭淨堪分顧兔細  
得數飄萍山翠相凝綠林煙共暮青過隅驚桂側當午

覺輪停屬

音燭

思摘霞錦追歡罄縹緋郡樓何處望隴笛

此時聽右掖連台座重門限禁局風臺觀滉瀆冰砌步  
青熒獨有虞庠客無由拾落糝

詠雪贈張籍

只見縱橫落寧知遠近來飄飄還自弄歷亂竟誰催座  
暖銷那怪池清失可猜坳中初葢底垤處遂成堆慢

一作

漫有先居後輕多去却回度前鋪瓦隴

一作壠

發本

一作奔發

積墻隈穿細時雙透乘危忽半摧舞深逢坎井集早值

層臺砧練終宜擣階紈未暇裁城寒裝一作睥睨樹凍

裹莓苔片片勻如翦紛紛碎若按奴回切定非燭鵠鷺真

是屑瓊瑰緯音繡音忽音觀朝萼冥茫矚晚一作埃當窗恒

凜凜出戶即皚皚音壓一作潤野榮芝菌傾都委貨財娥

嬉華蕩漾胥怒浪崔嵬磧迴疑一作浮地雲平想輶雷

隨車翻縞帶逐馬散銀栴萬屋漫汗平聲合千株照曜開

松篁遭挫抑一作折愈時益以柳澗事糞壤獲饒培隔

絕門庭遽一作擠排陞一作級纜豈堪裨嶽鎮強欲效

鹽梅隱匿瑕疵盡包羅委瑣該誤雞宵呢喔驚雀暗裴

回浩浩過三暮悠悠市九垓鯨鯢陸死骨玉石火炎灰

厚慮填溟壑高愁擻音致斗魁日輪埋欲側坤軸壓將頽

岍類堰一作似長蛇攪一作擾陵猶巨象逐水官夸傑黠木氣

怯胚胎著地無由卷連天不易推龍魚冷螫苦虎豹餓

號哀巧借奢華一作豪便專繩困約災威貪陵一作凌布被

光肯離金罍賞翫捐他事歌謠放我才狂教詩碑硯興

與酒陪鯁惟子能一作誰諳耳諸人得語哉助留風作黨

勸坐火為媒雕刻文刀利搜求智網恢莫煩相屬和傳  
示及提孩

酬王二十舍人

涯

雪中見寄

三日柴門擁不開階平

一作庭

一作平

滿白皚皚今朝躡

作瓊瑤跡為有詩從

一作仙

鳳沼來

送侯喜

已作龍鍾後時者懶於街裏躡塵埃如今便別長官去

喜為國子主簿愈  
為博士故云長官  
直到新年衙日來

學諸進士作精衛銜石填海

烏有償冤者終年抱寸誠口銜山石細心望海波平渺  
渺功難見區區命已輕人皆譏造次我獨賞專精豈計  
休無日惟應盡此生何慙刺客傳不著報讎名

奉酬振武胡十二丈大夫

胡証河東人元和九年党項寇邊以証有

安邊才略乃授  
振武軍節度使

傾朝共羨寵光頻半歲遷騰作虎臣戎旆暫停辭社樹  
里門先下敬鄉人橫飛玉盞家山曉遠蹠金珂塞草春

自笑平生誇膽氣不離文字鬢毛新

奉和庫部盧四兄曹長元日朝回

盧汀也

天仗宵嚴建羽旄春雲送色曉雞號金爐香動螭頭暗  
玉佩聲來雉尾高戎服上趨承北極儒冠列侍映東曹  
太平時節難身一作身難遇郎署何須歎二毛

寒食直歸遇雨

寒食時看度春遊事已違風光連日直陰雨半朝歸不

見紅毬

蹴鞠黃帝所造鞠與毬同紅毬以紅帛為之

上那論綵索

北方寒食日用鞦韆

為戲綵索  
即謂鞦韆  
飛惟將新賜火向曙著朝衣

送李六協律歸荆南

翱

早日羈遊所春風送客歸  
柳花還漠漠江燕正飛飛  
歌舞知誰在賓僚逐使非  
宋亭池水綠莫忘躡芳菲

題百葉桃花

知制誥  
時作

百葉雙桃晚更紅  
窺窗映竹見玲瓏  
應知侍史歸天上  
故伴僊郎宿禁中

春雪

新年都未有芳華  
二月初驚見草芽  
白雪却嫌春色晚  
故穿庭樹作飛花

戲題牡丹

幸自同開俱隱約  
何須相倚鬪輕盈  
陵一作凌晨併作新

妝面對客偏含不語情  
雙燕無機還一作來拂掠一作略遊

蜂多思正經營  
長年是事皆拋盡一作棄  
今日欄邊暫眼

明

盆池五首

老翁真個似童兒汲水

井一作

埋盆作小池一夜青蛙鳴

到曉恰如方口釣魚時

莫道盆池作不成藕梢初種已齊生從今有雨君須記  
來聽蕭蕭打葉聲

瓦沼晨朝水自清小蟲無數不知名忽然分散無蹤影  
惟有魚兒作隊行

泥盆淺小詎成池夜半青蛙聖

一作聽

得知一聽暗來將

伴侶不煩鳴喚喚鬪雄雌

池光天影共青青拍岸纔添水數鉞且待夜深明

一作乘

月去試看涵泳幾多星

芍藥

元和中知制誥  
寓直禁中作

浩態狂香昔未逢紅燈爍爍綠盤龍覺來獨對情

一作忽

驚恐身在僊宮第幾重

奉和虢州劉給事使君

伯

三堂新題二十一詠

并序

劉伯芻以元

和八年出刺虢州

虢州刺史宅連水池竹林往往為亭臺島渚目其

處為三堂劉兄自給事中出刺此州在任逾歲職  
修人治州中稱無事頗復增飾從子弟而遊其間  
又作二十一詩以詠其事流行京師文士爭和之  
余與劉善故亦同作

新亭

湖上新亭好公來日出初水文浮枕簟瓦影蔭龜魚  
流水

汨汨幾時休從春復到秋只

一作祇

言池未滿池滿強交

流

竹洞

竹洞何年有公初斫竹開洞門無鎖鑰俗客不曾來

月臺

南館城陰濶東湖水氣多直須臺上看始奈月明何

渚亭

自有人知處那無步往蹤莫教安四壁面面看芙蓉

竹溪

藹藹溪流慢

一作漫

梢梢岬篠長穿沙碧斡淨落水紫苞

香

北湖

聞說游湖棹尋常到此回應留醒心處準擬醉時來

花島

蜂蝶去紛紛香風隔岬聞欲知花島處水上覓紅雲

柳溪

柳樹誰人種行行夾岬高莫將條繫纜著處有蟬號

西山

新月迎宵挂晴雲到晚留為遮西望眼終是懶回頭

竹徑

無塵從不掃有鳥莫令彈若要添風月應除數百竿

荷池

風雨秋池上高荷蓋水絲未諳鳴撼撼那似卷翻翻

稻畦

罪布畦堪數

罪恭局上方目

枝分水莫尋魚肥知已秀鶴沒覺

初深

柳巷

柳巷還飛絮春餘幾許時吏人休報事公作送春詩

花源

源上花初發公應日日來丁寧紅與紫慎莫一作切勿一時

開

北樓

郡樓乘曉上盡日不能回晚色將秋至長風送月來

鏡潭

非鑄復非鎔泓澄忽此逢魚鰕不用避只是照蛟龍

孤嶼

朝遊孤嶼南暮戲孤嶼北所以孤嶼鳥與公盡相識

方橋

非閣復非船可居兼可過君欲問方橋方橋如此作

音佐

梯橋

乍似上青冥初疑躡菡萏自無飛僊骨欲度何由敢

月池

寒池月下明  
新月池邊曲  
若不妬清妍  
却成相映燭

遊城南十六首

賽神

白布長衫紫領巾  
差科未動是閒人  
麥苗含穰桑生甚  
共向田頭樂社神

題于賓客莊

榆莢車前蓋地皮  
薔薇蘸水笋穿籬  
馬蹄無入朱門跡

縱使春歸可得知

晚春

草樹知春不久歸  
百般紅紫鬪芳菲  
楊花榆莢無才思  
惟解漫天作雪飛

落花

已分將身著地飛  
那羞踐踏損光暉  
無端又被春風誤  
吹落西家不得歸

楸樹二首

幾歲生成為大樹一朝纏繞困長藤誰人與脫青羅帔  
看吐高花萬萬層

幸自枝條

一作頭

能樹立可煩蘿蔓作交加傍人不解尋

根本却道新花勝舊花

風折花枝

浮豔侵天難就看清香撲地只遙聞春風也是多情思  
故揀繇枝折贈君

贈同遊

喚起窗全曙催歸日未西無心花裏鳥更與盡情啼

起喚

催歸二禽名也喚起聲如絡緯圓轉清亮  
偏鳴於春晚江南謂之春喚催歸子規也

贈張十八助教

喜君眸子重清朗攜手城南歷舊遊忽見孟生題竹處  
相看淚落不能收

題韋氏莊

昔者誰能比今來事不同寂寥青草曲散漫白榆風架  
倒藤全落籬崩竹半空寧須惆悵立翻覆本無窮

晚雨

庶纖晚雨不能晴  
池岍草間蚯蚓鳴  
投竿跨馬蹋歸路

纔到城門

一作聞

打鼓聲

出城

暫出城門蹋青草  
遠於林下見春山  
應須韋杜家家到  
祇有今朝一日閒

把酒

擾擾馳名者  
誰能一日閒  
我來無伴侶  
把酒對南山

嘲少年

直把春償酒都將命乞

音氣

花祇知閒信馬不覺誤隨車

楸

青幢紫蓋立童童  
細雨浮煙作綵籠  
不得畫師來貌

音邈

取定知難見一生中

遣

一作遠

興

斷送一生惟有酒  
尋思百計不如閒  
莫憂世事兼身事  
須著人間比夢間



御定全唐詩卷三百四十三

欽定四庫全書薈要卷一萬七千七百四十九

集部

御定全唐詩卷三百四十四

韓愈

送李尚書遜赴襄陽八韻得長字

帝憂南國切改命付忠良  
壤畫星搖動旗分獸簸揚  
五營兵轉肅千里地還方  
控帶荆門遠飄浮漢水長  
賜書寬屬郡戰馬隔鄰疆  
縱獵雷霆迅觀棊玉石忙  
風流峴首客花豔大堤倡  
富貴由身致誰教不自強

和席八夔十二韻

元和十一年夔與愈同掌制誥

絳闕銀河曙東風右掖春官隨名共美花與思俱新綺  
陌朝遊間綾衾夜直頻橫門開日月高閣切星辰庭變  
寒前草天銷霽後塵溝聲通苑急柳色壓城勻綸綽謀  
猷盛丹青步武新芳菲含斧藻光景暢形神傍砌看紅  
藥巡池詠白蘋多情懷酒伴餘事作詩人倚玉難藏拙  
吹竽久混真坐慙空自老江海未還身

和武相公早春聞鶯

早晚飛來入錦城誰人教解百般鳴春風紅樹驚眠處  
似妬歌童作豔聲

遊太平公主山莊

此首前有太安池一首闕不  
載洪邁唐人絕句此首題即

作太  
安池

公主當年欲占春故將臺榭押一作城闈欲知前面花  
多少直到南山不屬人

晚春

誰收春色將歸去慢綠妖紅半不存榆莢祇能隨柳絮

等閒撩亂走空園

大行皇太后挽歌詞三首

憲宗母莊  
憲皇后也

一紀尊名正三時孝養榮高居朝聖主厚德載羣生武  
帳虛中禁玄堂掩太平秋天笳鼓歇松柏徧山鳴

威儀備吉凶文物雜軍容配地行新祭因山託故封鳳  
飛終不返劍化會相從無復臨長樂空聞報曉鐘

追攀萬國來警衛百神陪畫翣登秋殿容衣入夜臺雲  
隨僊馭遠風助聖情哀只有朝陵日妝奩一暫開

廣宣上人頻見過

三百

一作十

六旬長擾擾不衝風雨即塵埃久慙

一作為

朝

士無禪補空愧高僧數往來學道窮年何所得吟詩竟  
日未能迴天寒古寺遊人少紅葉窗前有幾堆

閒遊二首

雨後來更好繞池徧青青柳花閒度竹菱葉故穿萍獨  
坐殊未厭孤斟詎能醒持竿至日暮幽詠欲誰聽

茲遊苦不數再到遂經旬萍蓋汙池淨藤籠老樹新林

鳥一作鶯

鳴訝客岸竹長遮鄰子雲祇自守奚事九衢塵

酬馬侍郎寄酒

馬總也

一壺情所寄四句意能多秋到無詩酒其如月色何

和侯協律詠笋

侯喜也

竹亭人不到新笋滿前軒乍出真堪賞初多未覺煩成  
行齊婢僕環立比兒孫驗長常攜尺愁乾屢側盆對吟  
忘膳飲偶坐變朝昏滯雨膏腴濕驕陽氣候溫得時方  
張王並去聲挾勢欲騰騫見角牛羊没看皮虎豹存攢生

猶有隙散布忽無垠

一作痕

詎可持籌算誰能以理言縱

橫公占地羅列暗連根狂劇時穿壁橫

一作羣

強幾觸藩

深潛如避逐遠去若追奔始訝妨人路還驚入藥園萌

芽防寢大覆載莫偏思已復侵危砌非徒出短垣身寧

虞瓦礫計擬揜蘭蓀且歎高無數庸知上幾番短長終

不校先後竟誰論外恨苞藏密中仍節目繇暫須迴步

履要取助盤殮穰穰疑翻地森森競塞門戈矛頭戢戢

蛇虺首掀掀婦懦咨料

音聊

揀兒癡謁盡髡侯生來慰我

詩句讀驚魂屬和才將竭呻吟至日暝

過鴻溝

龍疲虎困割川原億萬蒼生性命存誰勸君王回馬首  
真成一擲賭乾坤

送張侍郎

張賈時自兵  
侍為華州

司徒東鎮馳一作持書謁丞相西來走馬迎兩府元臣今

轉密一方逋寇不難平

贈刑部馬侍郎

馬總時副  
晉公東征

紅旗照海壓南荒  
徵入中臺作侍郎  
暫從相公平小寇  
便歸天闕致時康

奉和裴相公東征途經女兒山下作

旗穿曉日雲霞雜  
山倚秋空劍戟明  
敢請相公平賊後

暫攜諸吏

一作史

上崢嶸

郾城晚飲奉贈副使馬侍郎及馮

宿

李

宗

二員

外

馮李時從裴度東征

城上赤雲呈勝氣  
眉間黃色見歸期  
幕中無事惟須飲

即是連鑣向關時

酬別留後侍郎

蔡平命馬  
總為留後

為文無出相如右謀帥難居卻穀先歸去雪銷溱洧動  
西來旌旆拂晴天

同李二十八夜次襄城

李正  
封也

周楚仍連接川原乍屈盤雲垂天不暖塵漲雪猶乾印  
綬歸台室旌旗別將壇欲知迎候盛騎火萬星攢

同李二十八員外從裴相公野宿西界

四面星辰著地明  
散燒煙火宿天兵  
不關破賊須歸奏  
自趁新年賀太平

過襄城

鄆城辭罷過襄城  
潁水嵩山刮眼明  
已去蔡州三百里  
家人不用遠來迎

宿神龜招李二十八馮十七

龜下或有驛字

荒山野水照斜暉  
啄雪寒鴉趁始

一作影

飛夜宿驛亭愁

不睡幸來相就蓋征衣

次硤石

諸本硤作峽

數日方離雪今朝又出山試憑高處望隱約見潼關

和李司勳過連昌宮

夾道疎槐出老根高甍巨棟壓山原宮前遺老來相問  
今是開元幾葉孫

次潼關先寄張十二閣老使君

張賈也

荆山已去華山來日出

一作照

潼關四扇

一作面

開刺史莫

辭

一作嬾

迎候遠相公親

一作新

破蔡州迴

次潼關上都統相公

韓弘也

暫辭堂印執兵權  
盡管諸軍破賊年  
冠蓋相望催入相  
待將功德格皇天

桃林夜賀晉公

西來騎火照山紅  
夜宿桃林臘月中  
手把命珪兼相印  
一時重疊賞元功

送李員外院長分司東都

去年秋露下羈旅  
逐東征今歲春光動  
驅馳別上京  
飲

中相顧色送後獨歸情兩地無千里因風數寄聲

晉公破賊回重拜台司以詩示幕中賓客愈奉

和

南伐旋師太華東天書夜到冊元功將軍舊歷三司貴  
相國新兼五等崇鸛鷺欲歸僊仗裏熊羆還入禁營中  
長慙典午非材職得就閒官即至公

獨釣

或作酌

四首

侯家林館勝偶入得垂竿曲樹行藤角平池散芡盤羽

沈知食駛緡細覺牽難聊取夸兒女榆條繫從鞍  
一逕向池斜池塘野草花雨多添柳耳水長減蒲芽坐  
厭親刑柄偷來傍釣車太平公事少吏隱詎相賒  
獨往南塘上秋晨景氣醒露排四岸草風約半池萍鳥  
下見人寂魚來聞餌馨所嗟無可召不得倒吾鉞  
秋半百物變溪魚去不來風能坼芡觜露亦染梨腮遠  
岫重疊出寒花散亂開所期終莫至日暮與誰迴

枯樹

老樹無枝葉風霜不復侵腹穿人可過皮剝蟻還尋寄  
託惟朝菌依投絕暮禽猶堪持改火未肯但空心

元日酬蔡州馬十二尚書去年蔡州元日見寄  
之什

元日新詩已去年蔡州遙寄荷相憐今朝縱有誰人領  
自是三峰一作冬不敢眠

詠燈花同侯十一

今夕知何夕花然錦帳中自能當雪暖那肯待春紅黃

裏排金粟釵頭綴玉蟲更煩將喜事來報主人公

祖席前字

送王涯徙袁州刺史作

祖席洛橋邊親交共黯然野晴山簇簇霜曉菊鮮鮮書  
寄相思處梧銜欲別前淮陽知不薄終願早迴船

秋字

淮南悲木落而我亦傷秋況與故人別那堪羈宦愁榮  
華今異路風雨昔同憂莫以宜春遠江山多勝遊

送鄭尚書

權

赴南海

番音禺音軍府盛欲說暫停柘蓋海旂幢出連天觀閣

開衙時龍戶集上日馬人來風靜鷓鴣去官廡蚌蛤迴

貨通師子國樂奏武王臺事事皆殊異無嫌屈大才

答道士寄樹雞

樹雞木耳之大者

軟濕青黃狀可猜欲烹還喚木盤迴煩君自入華陽洞

直割乖龍左耳來

柳宗元龍城志茅山道士吳綽採藥於華陽洞口見一兒手把三珠戲於

松下綽從之奔入洞中化為龍以三珠填左耳中綽割其耳而失其珠馮贇雲仙錄天罰乖龍必割其耳

左遷至藍關示姪孫湘

湘愈姪十二郎之子登長慶三年進士第

一封朝奏九重天夕貶潮州

一作陽

路八千欲為聖朝除

弊事肯將衰朽惜殘年雲橫秦嶺家何在雪擁藍關馬  
不前知汝遠來應有意好收吾骨瘴江邊

武關西逢配流吐蕃

謫潮州時  
途中作

嗟爾戎人莫慘然湖南地近保生全我今罪重無歸望  
直去長安路八千

次鄧州界

潮陽南去倍長沙戀闕那堪又憶家心訝愁來惟貯火

眼知別後自添花商顏暮雪逢人少  
鄧鄩春泥見驛賒  
早晚王師收海嶽普將雷雨發萌芽

題臨瀧寺

不覺離家已五千仍將衰病入瀧船  
潮陽一作州未到吾

能一作先說海氣昏昏水拍天

晚次宣溪辱韶州張端公使君惠書叙別酬以

絕句二章

英華題作  
晚次宣溪

韶州南去接宣溪雲水蒼茫日向西  
客淚數行先一作元

自落鷓鴣休傍耳邊啼

兼金那足比清文百

一作白

首相隨媿使君俱是嶺南巡

管內莫欺荒僻斷知聞

題秀禪師房

橋夾水松行百步竹林

一作林

莞席到僧家暫拳一手支

頭臥還把魚竿下釣

一作晚

沙

將至

一作入

韶州先寄張端公使君借圖經

曲江山水聞來久恐不知名訪倍

一作更

難願借圖經將

入界每逢佳處便開看

過始興江口感懷

大歷十四年起居舍人韓會以罪貶韶州刺史愈隨會而

遷時年十歲至是貶潮

州道過始興有感而作

憶作兒童隨伯氏南來今只一身存  
目前百口還相逐  
舊事無人可共論

韶州留別張端公使君

時憲宗元和十四年十月

來往再逢梅柳新  
別離一醉綺羅春  
久欽江總文才妙  
自歎虞翻骨相屯  
鳴笛急吹爭一作落日清歌緩送款

一作感

行人已知奏課當徵拜那復淹留詠白蘋

從潮州量移袁州張韶州端公以詩相賀因酬

之

時憲宗元和十四年十月

明時遠逐事何如遇赦移官罪未除北望詎令隨塞鴈  
南還纔免葬江魚將經貴郡煩留客先惠高文謝起予  
暫欲繫船韶石下上賓虞舜整冠裾

次石頭驛寄江西王十中丞閣老

仲舒也時為江南西道觀

察使愈自袁

還朝作寄

憑高試迴首

一作迴馬

一望豫章城人由

一作猶

戀德泣馬亦

別羣鳴寒日夕始照風江

一作江風

遠漸平默然都不語應

識此時情

遊

一作題

西林寺題

一作故

蕭二兄郎中存舊堂

自註

蕭兄有

女出家

中郎有女能傳業伯道無兒可保家偶到匡

一作廬

山曾

住處幾行衰淚落煙霞

一作今日匡山過舊隱空將衰淚對煙霞

自袁州還京行次安陸先寄隨州周員外

周君巢也

時為隨  
州刺史

行行指漢東，暫喜笑言同。  
雨雪離江上，蕪葭出夢中。  
面猶含瘴色，眼已見華風。  
歲暮難相值，酣歌未可終。

題廣昌館

在隨州棗陽縣南

白水龍飛已幾春，偶逢

一作尋

遺跡問耕人。丘墳發掘當

官路

一作道

何處南陽有近親

寄隨州周員外

陸孟丘楊久作塵

愈與陸長源孟叔度丘穎楊疑及君巢同為董晉幕客

同時存

者更誰人金丹別後知傳得乞取刀圭救病身

周好金丹服餌

之術

酒中留上襄陽李相公

李逢吉也愈元和十一年正月為中書舍人而

逢吉以其年二月自舍人拜相

濁水汙泥清路塵還曾同制掌絲綸眼穿長訝雙魚斷  
耳熱何辭數爵頻銀燭未銷窗送曙金釵半醉一作座  
添春知公不久歸釣軸應許閒官寄病身

去歲自刑部侍郎以罪貶潮州刺史乘驛赴任

一作其後家亦遣逐小女道死殯之層峰驛旁

之官山下蒙恩還朝一作過其墓留題驛梁

數條藤束木皮棺草殯荒山白骨寒驚恐入心身已病

扶舁音余沿路衆知難繞墳不暇號三市設祭惟聞飯一

盤致汝無辜由我罪百年慙痛淚闌干

賀張十八秘書得裴司空馬或作酬張秘書  
因騎馬贈詩

司空遠寄養初成毛色桃花眼鏡明落日已曾交轡語  
春風還擬並鞍行長令奴僕知飢渴須着賢良待性情

旦夕公歸伸拜謝免勞騎去逐雙旌

杏園送張徹侍御

一作郎

歸使

東風花樹下送爾出京城久抱傷春意新添惜別情歸  
來身已病相見眼還明更遣將詩酒誰家逐後生

雨中寄張博士籍侯主簿喜

放朝還不報半路蹋泥歸雨慣曾無節雷頻自失威見  
墻生菌徧憂麥作蛾飛歲晚偏蕭索誰當救晉饑

奉和兵部張侍郎

賈

酬鄆州馬尚書

總

祇召途

中見寄開緘之日馬帥已再領鄆州之作

來朝當路日承詔改轅時再領須句

音勅

國仍遷少昊司

總加檢校刑部尚書

暖風抽宿麥清雨卷歸旗賴寄新珠玉長吟

慰我思

早春與張十八博士籍遊楊尚書林亭寄第三

閣老兼呈白馮二閣老

白居易馮宿也第三閣老楊於陵之子嗣復也

牆下春渠入禁溝渠冰初破滿渠浮鳳池近日長先暖

流到池時更

一作見

不流

奉使常山早次太原呈副使吳郎中

愈使鎮州  
吳丹以駕

部郎中

副行

朗朗聞街鼓晨起似朝時  
翻翻走驛馬春盡是歸期  
地失嘉禾處風存蟋蟀辭  
暮齒良多感無事涕垂頤

夕次壽陽驛題吳郎中詩後

風光欲動別長安  
春半城邊特地寒  
不見園花兼巷柳  
馬頭惟有月團團

鎮州初歸

別來楊柳街頭樹擺弄

一作撼

春風只欲飛還有小園桃

李在留花不發侍郎歸

同水部張員外籍曲江春遊寄白二十二舍人

漠漠輕陰晚自開  
青天白日暎樓臺  
曲江水滿花千樹  
有底忙時不肯來

和水部張員外宣政衙賜百官櫻桃詩

漢家舊種明光殿  
炎帝還書本草經  
豈似滿朝承雨露  
共看傳賜出青冥  
香隨翠籠擎初到

一作重

色暎

一作照

銀

盤寫

一作瀉

未停食罷自知無所報空然慙汗仰皇局

早春呈水部張十八員外二首

天街小雨潤如酥草色遙看近却無最是一年春好處

絕勝煙

一作花

柳滿皇都

莫道官忙身老大即無年少逐春心憑君先到江頭看  
柳色如今深未深

送桂州嚴大夫同用南字

嚴謨也題下或有赴任二字

蒼蒼森八桂茲地在湘南江作青羅帶山如碧玉簪

音

戶多輸翠羽家自種黃甘遠勝登僊去飛鸞不假驂

奉酬天平馬十二僕射暇日言懷見寄之作

馬總

時為鄆曹濮等州

觀察使軍曰天平

天平篇什外政事亦無雙威令加徐土儒風被魯邦清  
為公論重寬得士心降歲晏偏相憶長誼坐北窗

奉使鎮州行次承天行營奉酬裴司空

時穆宗  
長慶二

年

竄逐三年海上歸逢公復此著征衣旋吟佳句還鞭馬

恨不身先去鳥飛

鎮州路上謹酬裴司空相公重見寄

銜命山東撫亂師日馳三百自嫌遲風霜滿面無人識  
何處如今更有詩

奉和僕射裴相公感恩言志

穆宗長慶二年裴度罷李逢吉為相

文武功成

一作成功

後居為百辟師林園窮勝事鐘鼓樂清

時擺落遺高論雕鐫出小詩自然無不可范蠡爾其誰

和僕射相公朝迴見寄

時牛李黨熾裴度介其間累遭謗讟故愈詩有

高蹈  
之語

盡瘁年將久公今始暫閒事隨憂共減詩與酒俱還放  
意機衡外收身矢石間秋臺風日迴正好看前山

奉和李相公題蕭家林亭

逢吉也

山公自是林園主歎惜前賢造作時巖洞幽深門盡鎖  
不因丞相幾人知

奉和杜相公太清宮紀事陳誠上李相公十六

韻

杜元穎也太清宮  
元皇帝廟

耒耜興姬國輶

丑倫切

標

力追切

建夏家在功誠可尚於道

詎為華象帝威容大僊宗寶歷賒衛門羅戟槃圖辟雜

龍蛇禮樂追尊盛乾坤降福遐四真皆齒列

天寶元年親享立元

皇帝於新廟以莊子為南華真人文子為通玄真人列子為冲虛真人庚桑子為洞虛真人配享

二聖

亦肩差

初太清宮成命工於太白山採白石為立元真像南面立宗肅宗像侍立左右

陽月時

之首陰泉氣未牙殿階鋪水碧庭炬坼金葩紫極觀忘

倦青詞奏不譁嘈

音鈔音宏

宮夜闕嘈獻

才曷切

鼓晨撾

陟瓜

切褻味陳奚取名香薦孔嘉垂祥紛可錄俾壽浩無涯

貴相山膽峻清文玉絕瑕代工聲問遠攝事敬恭加皎  
潔當天月歲筵捧日霞唱妍酬亦麗俛仰但稱嗟

御定全唐詩卷三百四十四

欽定四庫全書薈要卷一萬七千七百五十集部

御定全唐詩卷三百四十五

韓愈

郾州谿堂詩

馬總為郾曹濮節度觀察等使為堂於居之西北隅號曰谿堂以下

四首從文

集錄入

帝奠九壻

與歷同

有葉有年有荒不

一作有

條河岱之間及

我憲考一收

一作收

正之視邦選侯以公來尸公來尸之

人始未信公不飲食以訓以徇孰飢無食孰呻孰歎孰

寃不問不得分願孰為邦

蟲一作蜂

節根之螟羊很狼貪

以口覆城吹之煦之摩手拊之箴

一作針

之石之膊而磔

之凡公四封既富以彊謂公吾父孰違公令可以師征

不寧守邦公作谿堂播播流水淺有蒲蓮深有葭葦公

以賓燕其鼓駭駭公燕谿堂賓校醉飽流有跳魚岍有

集鳥既歌以舞其鼓考考公在谿堂公御琴瑟公暨賓

贊稽經諏律施用不差人用不屈谿有藿

與萍同

菰

與菰同

有龜有魚公在中流右詩左書無我斃遺此邦是麻

送張道士

大匠無棄材尋尺各有施況當營都邑杞梓用不疑張  
侯高高來面有熊豹姿開口論利害劔鋒白差差恨無  
一尺捶一作篋為國答羌夷詣闕三上書臣非黃冠師臣

有膽與氣不忍死茅茨又不媚笑語不能伴兒嬉乃著  
道士服衆人莫臣知臣有平賊策狂童不難治其言簡  
且要陛下幸聽之天空日月高下照理不遺或是章奏  
繁裁擇未及斯寧當不竢報歸袖風披披答我事不爾

吾親屬吾思昨宵夢倚門手取連環持今日有書至又  
言歸何時霜天熟柿栗收拾不可遲嶺北梁可構寒魚  
下清伊一作漪既非公家用且復還其私從容進退間無  
一不合宜時有利不利雖賢欲奚為但當勵前操富貴  
非公誰

送鄭十校理得洛字

鄭餘慶子瀚本名涵以文宗藩邸時名同改名瀚貞

元十年進士長安尉集賢校理愈以元和四年六月為都官員外郎分司東都涵求告來寧愈於其行作詩并序以送之

相公倦台鼎分正

一作政

新邑洛才子富文華校讐天祿

閣壽觴佳節過歸騎春衫薄烏喞正交加楊花共紛泊

親交

一作交親

誰不羨去去翔寥廓

送陸欽州慘

我衣之華兮我佩之光陸君之去兮誰與翱翔斂此大  
惠兮施於一州今其去矣胡不為留我作此詩歌於遠  
道無疾其驅天子有詔

送汴州監軍俱文珍

董晉為汴州陳留郡節度使治汴州俱文珍為監軍

愈為觀察推官文珍將如京師作序  
并詩送之此首從外集文內錄入

奉使羌池靜臨戎汴水安冲天鵬翅濶報國劔鋌寒曉  
日驅征騎春風詠采蘭誰言臣子道忠孝兩全難

贈崔立之

以下十五首  
見外集

昔年十日雨子桑苦寒飢哀歌坐空室

一作房  
一作屋

不怨但

自悲其友名子輿忽然憂且思褰裳觸泥水裹飯往食  
之入門相對語天命良不疑好事漆園吏書之存雄詞

千年事已遠二子情可推我讀此篇日正當寒

一作  
雨雪

時吾身固已困吾友復何為薄粥不足裹深泥諒難馳  
曾無子輿事空賦子桑詩

海水

一有  
詩字

海水非不廣鄧林豈無枝風波一蕩薄魚鳥不可依海  
水饒大波鄧林多驚風豈無魚與鳥巨細各不同海有  
吞舟鯨鄧有垂天鵬苟非鱗羽大蕩薄不可能我鱗不  
盈寸我羽不盈尺一木有餘陰一泉有餘澤我將辭海  
水濯鱗清冷池我將辭鄧林刷羽蒙籠枝海水非愛廣

鄧林非愛枝風波亦常事鱗魚自不宜一作不自疑我鱗日

已大我羽日已修風波無所苦還作鯨鵬遊

贈河陽李大夫李芄河陽節度使

四海失巢穴兩都困塵埃感恩由由猶古字通未報惆悵空

一來裘破一作破裘氣不暖馬羸一作羸馬鳴且哀主人情更重

空使劔鋒摧

苦寒歌

黃昏苦寒歌夜半一作半夜不能休豈不有陽春節歲一作歲節

聿其周

一作歲聿不其周

君何愛重裘兼味養大賢冰食葛製

神所憐

一作誠可憐

填窗塞戶慎勿出喧風暖景明年日

芍藥歌

一本作王司馬紅芍藥歌

丈人庭中開好花更無凡木爭春華翠莖紅藥天力與

此恩不屬黃鍾家溫馨熟美鮮香起似笑無言習君子

霜刀翦汝天女勞何事低頭學桃李嬌癡婢子無靈性

一作靈性

競挽春衫來比並欲將雙頰一晞

一作稀

紅綠窗磨

徧青銅鏡一尊春酒甘若飴丈人此樂無人知花前醉

倒歌者誰楚狂小子韓退之

贈徐州族姪

以下十三  
首見遺集

我年十八九壯氣起胸中作書獻雲關辭家逐秋蓬歲  
時易遷次身命多厄窮一名雖云就片祿不足充今者  
復何事卑棲寄徐戎蕭條資用盡葺落門巷空朝眠未  
能起遠懷方鬱悰擊門者誰子問言乃吾宗自云有寄  
術探妙知天工既往悵何及將來喜還通期我語非佞  
當為佐時雍

嘲鼾睡

澹師晝睡時聲氣一何猥  
頑臄吹肥脂坑谷相鬼磊  
雄哮乍咽絕每發壯益倍  
有如阿鼻尸長喚忍衆罪  
馬牛

驚不食百鬼聚相待木枕  
十字裂鏡面生痂音肥癩音晶鐵

佛聞皺眉石人戰搖腿孰  
云天地仁吾欲責真宰幽  
尋

虱搜耳猛作濤翻海太陽  
不忍明飛御皆情怠乍如  
彭

與黥呼冤受菹醢又如圈  
中虜號瘡兼吼餒雖令伶  
倫

吹苦韻難可改雖令巫咸  
招魂爽難復在何山有靈  
藥

療此願與採

澹公坐臥時長睡無不穩吾嘗聞其聲深慮五藏損黃  
河弄瀆薄梗澀連拙鮫南帝初奮槌鑿竅洩混沌迴然  
忽長引萬丈不可忖謂言絕於斯繼出方袞袞幽幽寸  
喉中草木森莽音本尊音忖盜賊雖狡獪亡魂敢窺閭鴻蒙  
總合雜詭譎騁戾很乍如鬪呶呶忽若怨懇懇賦形苦  
不同無路尋根本何能堙其源惟有土一畚

晝月

玉盃不磨著泥土青天孔出白石補兔入白藏蛙縮肚  
桂樹枯株女閉戶陰為陽羞固自古嗟汝下民或敢侮  
戲嘲盜視汝目瞽

贈張徐州莫辭酒

莫辭酒此會固難同請看女工機上帛半作軍人旗上  
紅莫辭酒誰為君王之爪牙春雷三月不作響戰士豈  
得來還家

辭唱歌

抑逼教唱歌不解看豔詞坐中把酒人豈有歡樂姿幸  
有伶者婦腰身如柳枝但令送君酒如醉如憨癡聲自  
內中出使人能透隨復遣慳慳者贈金不皺眉豈有長  
直夫喉中聲雌雌君心豈無恥君豈是女兒君教發直  
言大聲無休時君教哭古恨不肯復吞悲乍可阻君意  
豔歌難可為

知音者誠希

知音者誠希念子不能別行行天未曉攜酒踏明月

同竇年韋執中尋劉尊師不遇以同尋師三字為韻愈分得尋

字

秦客何年駐仙源此地深還隨躡鳥騎來訪馭風襟院  
閉青霞入松高老鶴尋猶疑隱形坐敢起竊桃心

### 春雪

片片驅鴻急紛紛逐吹斜到江還作水著樹漸成花越

喜飛一作非排瘴胡愁厚一作原蓋砂蕪雲封洞口助月照

天涯暝見迷巢鳥朝逢失轍車呈豐盡相賀寧止力耕

家

酬藍田崔丞立之詠雪見寄

京城數尺雪寒氣倍當年  
泯泯都無地茫茫豈是天  
崩奔驚亂射揮霍訝相纏  
不覺侵堂陛方應折屋椽  
出門愁落道上馬恐平韉  
朝鼓矜凌起山齋酩酊眠  
吾方嗟此役君乃詠其妍  
冰玉清顏隔波濤盛句傳  
朝飧思共飯夜宿憶同羶  
舉目無非白雄文乃獨玄

潭州泊船呈諸公

夜寒眠半覺鼓笛鬧嘈嘈暗浪春樓堞驚風破竹篙主  
人看使範

一作帆  
去聲

客子讀離騷聞道松醪賤何須恡錯

刀

飲城南道邊古墓上逢中丞過贈禮部衛員外

小室張道士

偶上城南土骨堆共傾春酒三五杯為逢桃樹相料  
聊

音

理不覺中丞喝道來

池上絮

池上無風有落暉  
楊花晴後自飛飛  
為將纖質凌清鏡  
濕却無窮不得歸

贈賈島

以下一首見  
萬首絕句

孟郊死葬北邙山  
從此風雲得暫閒  
天恐文章渾斷絕  
更生賈島着人間

贈譯經僧

萬里休言道路賒  
有誰教汝度流沙  
只今中國方多事  
不用無端更亂華



御定全唐詩卷三百四十五

欽定四庫全書蒼要卷一萬七千七百五十一

集部

御定全唐詩卷三百四十六

王涯

王涯字廣津太原人博學工屬文貞元中擢進士又舉  
宏辭調藍田尉以左拾遺為翰林學士進起居舍人憲  
宗元和初貶虢州司馬徙袁州刺史以兵部員外郎召  
知制誥再為翰林學士累遷工部侍郎涯文有雅思永  
貞元和間訓誥溫麗多所橐定拜中書侍郎同中書門

下平章事尋罷再遷吏部侍郎穆宗立出為劍南東川  
節度使長慶三年入為御史大夫遷戶部尚書鹽鐵轉  
運使敬宗寶曆時復出領山南西道節度使文宗嗣位  
召拜太常卿以吏部尚書總鹽鐵歲中進尚書右僕射  
代郡公久之以本官同中書門下平章事俄檢校司空  
兼門下侍郎李訓敗乃及禍集十卷今編詩一卷

享惠昭太子廟樂章

送神

威儀畢陳備樂將闋苞茅酒縮管蕭香徹宮臣展事肅

雍在列迎神送往厥鑒昭晰

望禁門松雪

宿雲開霽景佳氣此時濃瑞雪凝清禁祥烟幕小松依  
稀鴛瓦出隱映鳳樓重金闕晴光照瓊枝瑞色封葉鋪  
全類玉柯偃乍疑龍詎比寒山上風霜老昔容

廣宣上人以詩賀放榜和謝

延英面奉入春闈亦選功夫亦選奇在治只求金不耗  
用心空學秤無私龍門變化人皆望鶯谷飛鳴自有時

獨喜至公誰是證彌天上人與新詩

九月九日勤政樓下觀百僚獻壽

御氣黃花節臨軒紫陌頭早陽生綵仗霽色入仙樓獻  
壽皆鵷鷺瞻天盡冕旒菊樽過九日鳳歷肇千秋樂奏  
薰風起盃酣瑞影收年年歌舞度此地慶皇休

春遊曲二首

萬樹江邊杏新開一夜風滿園深淺色照在綠波中  
上苑何窮樹花間次第新香車與絲騎風靜亦生塵

太平詞

風俗今和厚君王在穆清行看采華曲盡是秦階平

送春詞

日日入空老年年春更歸相歡在尊酒不用惜花飛

塞上曲二首

天驕遠塞行出鞘寶刀鳴定是酬恩日今朝覺命輕

塞虜常為敵邊風已報秋平生多志

一作意

氣箭底覓封侯

隴上行

負羽到邊州鳴笳度隴頭雲黃知塞近草白見邊秋

思君思

雞鳴天漢曉鶯語禁林春誰入巫山夢唯應洛水神

春閨思

雪盡萱抽葉風輕水變苔玉關音信斷又見發庭梅

春江曲

搖漾越江春相將采白蘋歸時不覺夜出浦月隨人

閨人贈遠五首

花明綺陌春柳拂御溝新為報遼陽客流芳一作光不待人

遠成功名薄幽閨年貌傷妝成對春樹不語淚千行

形影一朝別烟波千里分君看望君處祇是起行雲

啼鶯一作鶯啼綠樹深語燕一作燕語雕梁晚不省出門行沙場

知近遠

洞房今夜月如練復如霜為照離人恨亭亭到曉光

從軍詞三首

戈一作旂甲從軍久風雲識陣難今朝拜韓信計日斬成安

燕領多奇相狼頭敢犯邊寄言班定遠正是立功年  
旄頭夜落捷書飛來奏金門著賜衣白馬將軍頻破敵  
黃龍戍卒幾時歸

塞下曲二首

辛勤幾出黃華戍迢遞初隨細柳營塞晚每愁殘月苦

邊愁更逐斷蓬驚

一作聲

年少辭家從冠軍金妝寶劍去邀勳不知馬骨傷寒水  
唯見龍城起暮雲

平戎辭

太白秋高助發兵  
長風夜卷虜塵清  
男兒解却腰間劍  
喜見從王道化平

遊春詞二首

曲江綠

一作絲

柳變煙條寒谷冰  
隨暖氣銷纔見春光生

綺陌已聞清樂動  
雲韶

經過柳陌與桃蹊  
尋逐春光著處迷  
烏度時時衝絮起  
華繁袞袞壓枝低

秋思二首

網

一作絲

軒涼吹動輕衣夜聽更長玉漏稀月度天河光

轉濕鵲驚秋樹葉頻飛

宮連太液見滄波暑氣微消秋意多一夜清風頻未起  
露珠翻盡滿池荷

漢苑行

二月春風遍柳條九天仙樂奏雲韶蓬萊殿後

一作後殿

花

如錦紫閣階前雪未銷

秋夜曲

桂魄初生秋露微  
輕羅已薄未更衣  
銀箏夜久殷勤弄  
心怯空房不忍歸

獻壽辭

宮殿參差列九重  
祥雲瑞氣捧堦一作皆  
濃微臣欲獻唐  
堯壽遙指南山對袞龍

秋思贈遠二首

當年只自守空帷一作閨  
夢裏關山覺別離  
不見鄉書傳

鴈足唯看新月吐蛾眉

厭攀楊柳臨清閣閒採芙蓉傍碧潭走馬臺邊人不見  
拂雲堆畔戰初酣

春閨思

一作閨人春思

愁見遊空百尺

一作丈

絲春風挽

一作惹

斷更傷離閒

一作桃

花落盡

一作徧

青

一作蒼

苔地盡日無人誰得知

宮詞三十首

存二十七首

白

一作內

人宜著紫衣裳冠子梳頭雙眼長新睡起來思

舊夢見人忘却道勝常

春來新插翠雲釵尚著雲頭踏殿鞋欲得君王回一顧  
爭扶玉輦下金階

五更初起覺風寒香炷燒來夜已殘欲卷珠簾驚雪滿  
自將紅燭上樓看

各將金鎖鎖宮門院院青娥侍

侍一作

至尊頭白監門掌

來去問頻多是最承恩

夜久盤中蠟滴稀金刀剪起盡霏霏傳聲總是君王喚

紅燭臺前著舞衣

箏翻禁曲覺聲難玉柱皆非舊處安記得君王曾道好

長因下輦得一作最先彈

一叢高鬢綠雲光宮一作樣輕輕淡淡黃為看九天公

一作主貴外邊爭學內家裝

宜春院裏駐仙輿夜宴笙歌總不如傳索金箋題寵號

鐙前御筆與親書

永巷重門漸半開宮官著鎖隔門回誰知曾笑他人處

今日將身自入來

春風簾裏舊青娥  
無奈新人奪寵何  
寒食禁花開滿樹  
玉堂終日閉時多

碧繡簷前柳散垂  
守門宮女欲攀時  
曾經玉輦從容處  
不敢臨風折一枝

鴉飛深在禁城墻  
多繞重樓複殿傍  
時向春簷瓦溝上

散開朝一作雙翅占朝光

白雪鴝兒拂地行  
慣眠紅毯不曾驚  
深宮更有何人到

只曉金階吠晚螢

百尺仙梯倚閣邊  
內人爭下擲金錢  
風來競看銅烏轉  
遙指朱干在半天

春風擺蕩禁花枝  
寒食鞦韆滿地時  
又落深宮石渠裡  
盡隨流水入龍池

牆一作雕不斷接宮城  
金榜皆書殿院名  
萬轉千回相

隔處各調弦管對聞聲

霏霏春雨九重天  
漸暖龍池御柳煙  
玉輦遊時應不避

千廊萬屋自相連

禁門

一作前

煙起紫沉沉樓閣當中複道深長入暮天凝

不散掖庭宮裏動秋砧

炎炎夏日滿天時桐葉交加覆玉墀向晚移鐙上銀簾  
叢叢綠鬢坐彈棋

曛曛日出大明宮天樂遙聞在碧空禁樹無風正和暖  
玉樓金殿曉光中

迴出芙蓉閣上頭九天懸處正當秋年年七夕晴光裡

宮女穿針盡上樓

教來鸚鵡語初成久閉金籠慣認名總向春園看花去

獨手深院笑

一作喚

人聲

銀瓶瀉水欲朝妝燭焰紅高粉壁光共怪滿衣珠翠冷  
黃花瓦上有新霜

迎風殿裏罷雲和起聽新蟬步淺莎為愛九天和露滴  
萬年枝上最聲多

御果收時屬內官傍簷低壓玉闌干明朝摘向金華殿

盡日枝邊次第看

內裏松香滿殿聞  
四行階下暖氤氲  
春深欲取黃金粉  
繞樹宮娥著絳裙

禁樹傳聲在九霄  
內中殘火獨遙遙  
千官待取門猶閉  
未到宮前下馬橋

御定全唐詩卷三百四十六

謹案卷三百四十三第十一頁後七行陰雨半朝  
歸按別本朝作晴

第十三頁前八行不煩鳴喚鬪雄雌刊本雄雌訛  
雌雄據原集改

第十三頁後四行紅燈爍爍綠盤龍刊本龍訛籠  
據昌黎集改





總校官庶吉士臣張能照

校對官中書臣張塤

謄錄監生臣鄧肇槐

謄錄監生臣倪承彥

欽定四庫全書會要

集部

御定全唐詩卷三百

四十七至  
五十

臣紀昀詳校

詳校官侯補通政司經歷臣郭祚熾

欽定四庫全書薈要卷一萬七千七百五十二

集部


御定全唐詩卷三百四十七

賈稜

貞元八年進士第詩一首

御溝新柳

御苑陽和早章溝柳色新  
託根偏近日布葉乍迎春  
秀質方含翠清陰欲庇人  
輕雲度斜景多露滴行塵  
裏裏堪離贈依依獨望頻  
王孫如可賞攀折在芳辰



劉遵古

劉遵古貞元八年進士第詩一首

御溝新柳

韶光先禁柳幾處覆溝新映水疑分翠含煙欲占春悠  
悠遲日晚裊裊好風頻吐節茸猶嫩通條澤稍均遠和  
瑤草色暗拂玉樓塵願假騫飛便歸棲及此辰

李正封

李正封官監察御史詩五首

洛陽清明日雨霽

曉日清明天夜來  
嵩少雨千門尚煙火  
九陌無塵土酒  
綠河橋春漏閑  
宮殿午遊人戀芳草  
半犯嚴城鼓

詠露

霏霏靈液重雲表  
無聲落霑樹急  
玄蟬灑池棲  
皓鶴流塵清  
遠陌飛月澄  
高閣宵潤玉  
堂簾曙寒  
貫一作金井索  
佳人比珠淚  
坐感紅綃薄

夏遊招隱寺暴雨晚晴

竹柏風雨過

一作清風過

蕭疎臺殿涼石渠寫奔溜金刹照

頽陽鶴飛

一作去

巖煙碧鹿鳴澗草香山僧引清梵幡蓋

繞迴廊

禪門寺暮鐘

一作劉復詩

箕筵高懸于闐鐘黃昏發地殷龍宮遊人憶到嵩山夜  
疊閣連樓倚太空

貢院樓北新栽小松

青蒼初得地華省植來新尚帶山中色猶含洞裏春近

樓依北戶隱砌淨遊塵鶴壽應成蓋龍形未有鱗為梁  
資大厦封爵恥羸秦幸此觀光日清風屢得親

崔立之

崔立之貞元進士第詩三首

南至隔仗望含元殿香爐

千官望長至萬國拜含元  
隔仗爐光出浮霜煙氣翻  
飄縈內殿漠漠澹前軒  
聖日開如捧卿雲近欲  
渾輪困灑宮闕蕭索散  
乾坤願倚天風便披香  
奉至尊

曲池潔寒流

閒尋歌岸步因向曲池看透底何澄徹迴流乍屈盤稍  
隨高樹古迥與遠天寒月入鏡華轉星臨珠影攢纖鱗  
時蔽石轉吹或生瀾願假涓微效來濡拙筆端

賦得春風扇微和

時令忽已變年光俄又春高低惠風入遠近芳氣新靡  
靡纔偃草泠泠不動塵温和乍扇物煦嫗偏感人去出  
桂林漫來過蕙圃頻晨輝正澹蕩披拂長相親

郭遵

郭遵貞元進士第詩二首

南至日隔仗望含元殿香爐

一作裴  
次元詩

冕旒親負宸弁服盡朝天  
暘谷移初日金爐出御煙  
芬馨流遠近散漫入貂蟬  
霜仗凝逾白朱欄映轉鮮  
如看浮闕在稍覺逐風遷  
為沐皇家慶來瞻羽衛前

賦得春風扇微和

微風飄淑氣散漫及茲晨  
習習何處至熙熙與春親  
暖

空看早辨映日度逾頻高拂非煙雜低垂衆卉新霽天  
輕有靄綺陌盡無塵還似登臺意元和欲煦人

韋紆

韋紆貞元進士第詩一首

賦得風動萬年枝

嘉名標萬祀擢秀出深宮嫩葉含煙靄芳柯振惠風參  
差搖翠色綺靡舞晴空氣稟禎祥異榮霑雨露同天年  
方未極聖壽比應崇幸列華林裏知殊衆木中

樊陽源

樊陽源貞元進士第詩一首

賦得風動萬年枝

珍木羅前殿乘春任好風  
振柯方裊裊舒葉乍濛濛  
影動丹墀上聲傳紫禁中  
離披偏向日凌亂半分空  
輕拂祥煙散低採翠色同  
長令占天眷四氣借全功

許稷

許稷貞元進士第詩二首

賦得風動萬年枝

瓊樹偏春早  
光飛處處宜  
曉浮三殿日  
暗度萬年枝  
婀娜搖仙禁  
繽紛翻映玉  
池含芳煙  
乍合拂砌影  
初移為近韶  
陽煦皆先  
衆卉垂成陰  
知可待不與  
衆芳隨

閏月定四時

玉律窮三紀  
推為積閏期  
月餘因妙算  
歲遍自成時  
乍覺年華改  
翻憐物候遲  
六旬知不惑  
四氣本無欺  
月桂虧還正  
階蓂落復滋  
從斯分歷象  
共仰定毫釐

范傳正

范傳正貞元中舉進士宏辭皆高第詩三首

謝真人還舊山

麾蓋從仙府笙歌入舊山水流丹竈缺雲起草堂闕白  
鹿行為衛青鸞舞自閒種松鱗未立移石蘚仍斑望路  
煙霞外迴輿巖岫間豈唯遼海鶴空歎令威還

范成君擊洞陰磬

歷歷聞金奏微微下玉京為祥家謀久偏識洞陰名澹

佇人間聽鏗鏘古曲成何須百獸舞自暢九天情注目  
看無見留心記未精雲霄如可托借鶴向層城

賦得春風扇微和

曖曖當遲日微微扇好風吹搖新葉上光動淺花中澹  
蕩凝清晝氤氳曖碧空稍看生綠水已覺散芳叢徙倚  
情偏適衰回賞未窮妍華不可狀竟夕氣融融

豆盧榮

豆盧榮貞元進士詩一首

賦得春風扇微和

春晴生縹緲，軟吹和初遍。  
池影動淵淪，山容發蔥蒨。  
遲入綺閣，習習流芳甸。  
樹杪颺鶯啼，堦前落花片。  
韶光恐閒放，旭日宜遊宴。  
文客拂塵衣，仁風願迴扇。

邵偃

邵偃貞元中進士詩一首

賦得春風扇微和

微風扇和氣，韶景共芳晨。  
始見郊原綠，旋過御苑春。  
三

條開廣陌八水泛通津  
煙動花間葉香流  
馬上人逶迤  
雲彩曙嘹唳鳥聲頻  
為報東堂客明朝桂樹新

柳道倫

柳道倫貞元中進士詩一首

賦得春風扇微和

青陽初入律淑氣應春風  
始辨梅花裏俄分柳色中  
依微開夕照澹蕩媚晴空  
拂水生蘋末經巖觸桂叢  
稍抽蘭葉紫微吐杏花紅  
願逐仁風布將俾生植功

陳九流

陳九流貞元中進士詩一首

賦得春風扇微和

喜見陽和至遙知橐籥功遲遲散南陌裊裊逐東風  
暗入芳園一作畦裏潛吹草木中蘭蓀纔有綠桃杏未成紅  
已覺寒光盡還看淑氣通由來榮與悴今日發應同

夏方慶

夏方慶貞元中進士詩一首

謝真人仙駕還舊山

何年成道去綽約化童顏天上辭仙侶人間憶舊山  
滄桑今已變蘿蔓尚堪攀雲覆瑤壇淨苔生丹竈閒  
逍遙堪白石寂寞閉玄關應是悲塵世思將羽駕還

御定全唐詩卷三百四十七